

ESANAK

RAFA LARREINA

(Eako Antolakuntza idazkaria)

«Bi alderdien ordezkari buruzko EAJren azken proposamen ofizialaren zain gaude»

JAVIER CAÑO

(Eako Programazio idazkaria)

«EAJk ultimatum eman eta faxez eman zuen amaitutzat prozesua. Eurak altxatu dira mahaitik, ez gu»

JOSUNE ARIZTONGO

(EAKo EBBko idazkaria)

«Egia balitz sozialistak buruan ditugula, ez genituzkeen zortzi hilabete emango EArekin negoziatzen»

reinen eta koalizioaren joateko portzentaia %21ean igo zutela aipatu zuen horren adibide gisa.

Bezperan EAJk egin bezala, atzo Larreinak ez zuen koalizioetako zerrenden banaketari buruzko zehaztasunik eman. Jeltzaleek egin azken proposamenarekin 35 zinegotzi galduko zituzketela eta hamar bat herrietan EA zerrendaburu izatea «zalantzan» geratuko litzatekeela jakinarazi zuen, besteak beste Tolosan. Donostiako alkategaiari dagokionez, negoziatioan aipatu ere egin ez dela aitortu zuen, nahiz eta bere alderdiak behin baino gehiagotan beretzat aldarrikatu duen, EAJren iritzia aurka. Horrenbestez, bi alderdiek erakundeetan izan beharko luketen ordezkari buruzko EAJren azken proposamen «formala» argitzea eskatu zuen Larreinak.

Aralarren aukera baztertuta

Alderdi jeltzalearekin koalizioaren bidea agortuta, Aralarrekin batera aurkezteko negoziatioekin hasiko dutela ukatu zuen EAKo Antolakuntza idazkariak. Abenduaren 11an, EAJ eta EAren negoziatioaren lehen porrotaren ostean, bi alderdiek harremanak izan zituzten koalizioaren gaia aztertzeke.

Bestalde, Josune Ariztondok ukatu egin zituen negoziatioaren porrota jeltzaleek PSE-EErekin akordioak lortzeko hurbilketen ondorio zela. Jeltzaleek negoziatio amaitutzat eman ondoren, Carlos Garaikoetxeak esan zuen EAJk «zikin» jokatu zuela eta sozialistengana hurbiltzeko asmoa zutela esaten ari direnek «beharbada arrazoia» izango dutela gaineratu zuen.

GARZONEN EBAZPENAK. Elkartzeko eta manifestatzeko eskubideak murriztea egotzi zion

Auzitegi Gorenak artxibatu egin du Jaurlaritzak Garzoni jarritako kereila

Irailaren 14ko manifestazioaren kontrako ebazpena «arrazoitua eta arrazoizkoa» dela dio, eta ez dagoela «delitu zantzurik»

Erredakzioa | DONOSTIA

Eusko Jaurlaritzak Baltasar Garzon epailearen kontra jarri zuen kereila artxibatu du Espainiako Auzitegi Gorenak. Prebikazio delitua egotzi zion Garzoni, hau da, «jakinararen gainean ebazpen injustua eman izana» iazko irailaren 14ko Bilboko manifestazioaren kontra. Alabaina, haren autoa «erabat arrazoizkoa eta arrazoitua» zela erantzun du Gorenako Zigor Arloko Salak.

Artxiboari helegitea jartzea ari da aztertzen Jaurlaritzak. Urriaren 17an jarri zuen kerei-

la, Garzonek elkartzeko eta manifestatzeko oinarriko eskubideak «oinarririk gabe eta legez kontra murrizten» dituela esanaz. «Euskal gizartearen gehiengo inkriminatzen du, Batasuna legez kanpo uztearen aurka egoteagatik».

Gorenak ez du «delitu zantzurik» ikusi, eta Garzonek legeria errespetatu duela esan du. *Gora Euskal Herria* lelopeko manifestazioaren antolatzaileak «ekintza terroristekin lotuta ikertutako erakundeekin harremanetan» egon zitezkeela dio autoak, bere garaian Garzonek esanaren haritik.

Manifestazio baimena eskatu zuten Ana Rosa Sisniega eta Jose Manuel Garcia Ruiz «ETA-Ekin-Joxemi Zumalabe egitasmoarekin» lotu zituen Garzonek, «desobedientzia zibilarekin», Poliziaren txosten batean oinarrituta. Bozera-maile lanetan jardun zuten Xabier Amurizak eta Amparo Lasherasek, berriz, hurrenez hurren EHren eta Batasunaren sorreran parte hartu zutela argudiatu zuen.

«ETA-Ekin erakunde terroristak da, zenbait arduradunen bitartez, deialdia egin eta manifestazioa prestatu duena», zioen Garzonek autoak, eta Jaurlaritzari «egoki iritzitako neurriak» har zitzala eskatzen zion, ez zezala «ebazpen judicial finkorik» urratu. Autoan espresuki hala ez bazioen ere, Garzonek mobilizazioa «legez

kanpoko izendatu» zuela ulertu zuen Jaurlaritzak, eta hala ohartarazi zien sustatzaileei.

Hala ere, ez zuen manifestazioa debekatu, eta aurrera joan zen. Baina gero Ertzaintzak indarrez galarazi zuen, eta dozenaka zauritu eragin. Kritika zaparrada izan zen erantzuna.

Partikularren kereila

Lau herritarrek beste kereila bat jarri zuten Garzonek kontra, eta Auzitegi Gorenak artxibatu egin du hori ere. Manifestazio baketsua bidegabeki debekatzeko leporatu zioten, baina auzitegiak esan du «legez kanpokoak» direnean manifestazio eskubidea mugatu egin daitekeela.

Rodolfo Ares PSE-EEko ordezkariak esan zuenez, Garzonek «zuzen» jokatu zuela onartu beharko luke Jaurlaritzak.



DAVID AGUILAR / EFE

Manuel Huertas, Gorka Knörr, Juan Maria Atutxa eta Carmelo Barrio Eusko Legebiltzarreko Mahaiaren atzoko bileran.

Garzonek eskaeraz txosten juridikoa egitea erabaki du Eusko Legebiltzarreko Mahaiak

Erredakzioa | GASTEIZ

Eusko Legebiltzarreko Mahaiak atzo erabaki zuen Baltasar Garzon Auzitegi Nazionalen epaileak ezker abertzalearen informazioa eskatzeko eskumenik duen aztertzeke txosten juridikoa eskatzea, EAJ, PSE-EE, EA eta EB-IUren aldeko botoei esker. PPK kontrako botoa eman zuen.

Hilaren 13an EAJ, EA, EB-IU eta Sozialista Abertzaleak

txosten juridikoa egitearen alde agertu ziren bozeramaileen batzordean, Sozialista Abertzaleen eskaera onartuz.

Modu horretan, Eusko Legebiltzarreko argitu nahi du ea Garzonek azken hogeita bi urteko Eusko Legebiltzarreko 55 parlamentariaren jardueraren gaineke informazioa eskatzeko eskumenik duen edo ez.

Eusko Legebiltzarreko presidente Juan Maria Atutxak atzo Legebiltzarreko Mahaia-

ren bileran adierazi zuenez, «Txostenaren bidez, Garzon epaileak informazioa eskatzeko dituen gaitasunak eta esku-duntzak hobeto argituko ditugu». Halaber, epailearen eskaerak Legebiltzarreko «autonomia» urratzen duen eta legebiltzarkideen «immunitatearen» kontra doan argituko duela berretsi zuen.

Haatik, Garzonek eskatutako informazioa «publikoa» dela, eta Legebiltzarreko «sis-

tema informatiboen» bidez jaso daitekeela gogorarazi zuen.

EB-IUko kide Kontxi Bilbako esan zuenez, «eskaera babestu arren, Legebiltzarreko hartutako lehen iritzia alde gaude», informazioa bidaltzearen alde, hain zuzen.

PSE-EEko Manuel Huertas esan zuenez, «egoera baten aurrean kezka sortzen zaigunean, txosten juridikoa eskatzeari alde gaude». Carmelo Barriok (PP), aldiz, Justiziarekin «elkarlanean aritzeko» premia berretsi zuen.